

ქ. თელავი

სსსპ №308 31.12.18

31. დეკემბერი 2018წ.

ერთის მხრივ ყვარელის მუნიციპალიტეტის მერია (შემდგომში „დამკვეთად“ წოდებული), მისი მერის როსტომ სესიაშვილის სახით, ერთი მხრივ და შინაგან საქმეთა სამინისტროს საჯარო სამართლის იურიდიული პირი – დაცვის პოლიციის დეპარტამენტის (შემდგომში „დაცვად“ წოდებული), კახეთის რეგიონალური დაცვის პოლიციის სამმართველოს მისი უფროსის მირიან ბაიდოშვილის სახით, მეორე მხრივ, ვდებთ წინამდებარე ხელშეკრულებას შემდეგზე:

მუხლი 1. ხელშეკრულების საგანი

- 1.1. „დაცვა“, ყვარელის მუნიციპალიტეტის მერიის გამოკვლევის აქტის საფუძველზე, უზრუნველყოფს ობიექტის დაცვას (შემდგომში „ობიექტად“ წოდებული), რომელიც მდებარეობს მისამართზე: ქ. ყვარელი. კუდიგორის ქ N1.
- 1.2. „დამკვეთი“ იღებს ვალდებულებას „დაცვას“ გადაუხადოს დაცვის მომსახურების ღირებულება წინამდებარე ხელშეკრულების მე-3 მუხლის მოთხოვნათა მიხედვით.

მუხლი 2. დაცვის თანამშრომელთა საშტატო განრიგი და დაცვის რეჟიმი

- 2.1 ხელშეკრულების 1.1 პუნქტით გათვალისწინებული „ობიექტის“ დაცვას განახორციელებს შინაგან საქმეთა სამინისტროს საჯარო სამართლის იურიდიული პირი – დაცვის პოლიციის დეპარტამენტის კახეთის რეგიონალური დაცვის პოლიციის სამმართველოს გურჯაანი-ლაგოდეხი-ყვარელის დაცვის პოლიციის ქვეგანყოფილება: 6 (ექვსი) უმცროსი ინსპექტორის საშტატო ერთეულით 24 საათიანი დაცვის რეჟიმით.

მუხლი 3. მხარეთა შორის ანგარიშსწორება

- 3.1 დაცვის“ მომსახურების ღირებულება ერთ თვეში შეადგენს 3500 (სამიათასხუთასი) ლარს, დღგ-ს ჩათვლით;
- 3.2 ანგარიშსწორება მხარეთა შორის განხორციელდეს საგადასახადო დოკუმენტაციის გამოწერიდან 5 საბანკო დღის განმავლობაში;
- 3.3 „დაცვის“ მომსახურების საგადასახადო დოკუმენტაციის გამოწერას ელექტრონული სახით უზრუნველყოფს სსიპ - დაცვის პოლიციის დეპარტამენტის კახეთის რეგიონალური დაცვის პოლიციის სამმართველო.

მუხლი 4. მხარეთა უფლება - მოვალეობანი

- 4.1 „დაცვა“ ვალდებულია:
 - 4.1.1 არ გაამჟღავნოს „დამკვეთის“ სამსახურებრივი საიდუმლოება;
 - 4.1.2 „ობიექტის“ სპეციფიკიდან გამომდინარე განახორციელოს დაცვა ცეცხლსასროლი იარაღით ან იარაღის გარეშე;
 - 4.1.3 „პოლიციის შესახებ“ კანონის მოთხოვნათა შესაბამისად კეთილსინდისიერად შეასრულოს დაკისრებული მოვალეობები;
 - 4.1.4 „დაცვა“ ზარალისათვის პასუხისმგებლობას კისრულობს ხელშეკრულებით დაკისრებული მოვალეობების არაჯეროვანი შესრულების შემთხვევაში;
 - 4.1.5 ზარალის ოდენობის განსაზღვრა მოხდება, მხარეთა მონაწილეობით შედგენილი შედარების აქტით, რომელიც უნდა ეყრდნობოდეს „დამკვეთის“ საბუღალტრო დოკუმენტაციას;

4.1.6 „დამკვეთისათვის“ ფაქტიური ზარალის ანაზღაურებას „დაცვა“ მოახდენს ერთობლივი კომისიის დასკვნის ან სასამართლოს, კანონიერ ძალაში შესული გადაწყვეტილების საფუძველზე;

4.2 „დაცვა“ პასუხისმგებლობას არ კისრულობს თუ:

4.2.1 „დამკვეთმა“ არ შეასრულა ხელშეკრულებით გათვალისწინებული პირობები, პირველადი და შემდგომი გამოკვლევის აქტების მოთხოვნები;

4.2.2 თანამშრომელთა პირად საკუთრებაზე, რომელიც დატოვეს დასაცავ „ობიექტში“;

4.2.3 მატერიალურ ფასეულობების ქურდობისათვის, თუ ქურდობა ჩადენილია „დამკვეთის“ მიერ „ობიექტის“ დაცვისათვის ჩაუბარებლობის მიზეზით.

4.3 „დამკვეთი“ ვალდებულია:

4.3.1 განახორციელოს პირველადი და შემდგომი გამოკვლევის აქტების მოთხოვნათა შესრულება და „დაცვასთან“ ერთად იზრუნოს „ობიექტის“ დაცვის სრულყოფისათვის;

4.3.2 „ობიექტის“ მთლიანობის დარღვევის შემთხვევაში, არ შევიდეს მასში „დაცვის“ თანამშრომლების გარეშე და არ დაიწყოს მატერიალურ ფასეულობათა აღწერა;

4.3.3 „დაცვას“ 15 დღით ადრე აცნობოს და მასთან შეთანხმებით გადაწყვიტოს „ობიექტზე“ მოსალოდნელი ყველა ის ცვლილება, რომელიც შეეხება დაცვის უსაფრთხოებას: („ობიექტის“ დაცვითი სიგნალიზაციით აღჭურვა, მუშაობის რეჟიმის ცვლილება, სამშენებლო სარემონტო სამუშაოების წარმოება და ა.შ.);

4.3.4 „დაცვის“ თანამშრომლების მიერ ხელშეკრულებით ნაკისრი ვალდებულებების შეუსრულებლობის შესახებ წერილობით აცნობოს „დაცვას“;

4.3.5 „დამკვეთს“ ეკრძალება დამატებითი ხელშეკრულების გაფორმების გარეშე დაავალოს დაცვის თანამშრომლებს იმ ობიექტების დაცვა, რომლებიც არ არის განსაზღვრული მოკვლევის აქტით;

4.3.6 ხელშეკრულების ცალმხრივად შეწყვეტის თაობაზე გადაწყვეტილების მიღებისას, „დამკვეთი“ ვალდებულია აღნიშნული გადაწყვეტილების შესახებ ერთი თვით ადრე წერილობითი ფორმით აცნობოს „დაცვას“.

მუხლი 5. ხელშეკრულების პირობების შეუსრულებლობა

5.1 ხელშეკრულების ცალმხრივად შეწყვეტის თაობაზე შეტყობინების ვადის დარღვევის შემთხვევაში, „დამკვეთი“ ვალდებულია „დაცვას“ გადაუხადოს პირგასამტეხლო დაცვის მომსახურების ერთი თვის ღირებულების ოდენობით, პირგასამტეხლოს თაობაზე მოთხოვნის წარდგენიდან არა უგვიანეს 14 საბანკო დღის განმავლობაში;

5.2 ხელშეკრულების 1.2 პუნქტით გათვალისწინებული ვალდებულების შეუსრულებლობის შემთხვევაში, „დაცვა“ უფლებამოსილია მოსთხოვოს „დამკვეთს“ პირგასამტეხლოს გადახდა, ყოველ ვადაგადაცილებულ დღეზე, შეუსრულებელი ვალდებულების 0,2%-ის ოდენობით.

მუხლი 6. ფორს-მაჟორი

6.1 მხარეები თავისუფლდებიან ხელშეკრულებით ნაკისრი ვალდებულებების შესრულებისგან ფორს-მაჟორული შემთხვევის დროს, რომლის დროსაც შეუძლებელია დაკისრებული მოვალეობების შესრულება და რაც დადასტურებულია სათანადო ორგანოების მიერ.

მუხლი 7. ხელშეკრულების მოქმედების ვადა

7.1 ხელშეკრულებით გათვალისწინებული მომსახურების მიწოდების ვადაა 2019 წლის 01 იანვრიდან 2019 წლის 30 ივნისის ჩათვლით.

7.2 დაცვა უფლებამოსილია ცალმხრივად შეწყვიტოს ხელშეკრულება „დამკვეთის“ მიერ ხელშეკრულებით გათვალისწინებული ვალდებულებების შეუსრულებლობის ან ერთი თვის სახელშეკრულებო თანხის გადაუხდელობის შემთხვევაში.

7.3 ~ ხელშეკრულების მოქმედების ვადაა 2019 წლის 01 იანვრიდან 2019 წლის 01 აგვისტომდე.

მუხლი 8. სხვა პირობები

8.1 წინამდებარე ხელშეკრულებაში ცვლილებებისა და დამატებების შეტანა შესაძლებელია მხოლოდ მხარეთა წერილობითი შეთანხმებით, რომელიც წინამდებარე ხელშეკრულების შემადგენელი და განუყოფელი ნაწილია;

8.2 „დაცვა“ უფლებამოსილია ცალმხრივად შეწყვიტოს ხელშეკრულება, რის შესახებაც „დამკვეთს“ ეცნობება არანაკლებ 10 დღით ადრე;

8.3 ხელშეკრულების 5.2 პუნქტით გათვალისწინებული პირგასამტეხლოს ოდენობის შეუსრულებელი ვალდებულების 5%-ის მიღწევის შემთხვევაში, „დაცვა“ უფლებამოსილია ცალმხრივად შეწყვიტოს ხელშეკრულება დაუყოვნებლივ;

8.4 სადავო საკითხებს მხარეები გადაწყვეტენ ურთიერთშეთანხმებით, ხოლო შეუთანხმებლობის შემთხვევაში სასამართლოს მეშვეობით;

8.5 წინამდებარე ხელშეკრულების ძალაში შესვლის დღიდან ძალადაკარგულად ჩაითვალოს 2018 წლის 21 თებერვლის N35 ხელშეკრულება.

8.6 ხელშეკრულება შედგენილია სამი, თანაბარი იურიდიული ძალის მქონე ეგზემპლარად, რომელთაგან ერთი ინახება „დამკვეთთან“, ხოლო ორი „დაცვასთან“.

მხარეთა რეკვიზიტები და ხელმოწერები

„დამკვეთი“

ყვარელის მუნიციპალიტეტის მერია

ს/კ 241578574

მის: ქ. ყვარელი. კუდიგორის ქN1.

მერი



„დაცვა“

შსს სსიპ - დპდ კახეთის რეგიონალური

დაცვის პოლიციის სამმართველო ს/კ 211350928.

მიმღების ბანკი - სახელმწიფო ხაზინა;

მიმღების დასახელება - ხაზინის ერთიანი ანგარიში;

ბანკის კოდი: TRESGE22 ;

მიმღების ანგარიში/სახაზინო კოდი 707117046;

ქ. თელავი. ჩოხელის ქ. N 35.

სამმართველოს უფროსი



მ. ბაიდოშვილი